



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o pristupanju Projektu izgradnje pješačkog mosta iz ulice Bihaćka
(Prijedlog)

Predlagač: Gradonačelnica
Obradivač: Gradska služba za urbano planiranje,
investicije stambene i komunalne poslove

Sarajevo, april 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) i člana 18. stav (1) tačka g) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na ____ sjednici održanoj dana ____ .2023. godine, donijelo je:

(Prijedlog)

**Odluku
o pristupanju Projektu izgradnje pješačkog mosta iz ulice Bihaćka**

Član 1.

(Predmet Odluke)

Ovom Odlukom Grad Sarajevo pristupa Projektu izgradnje pješačkog mosta iz ulice Bihaćka (u daljnjem tekstu: Projekat) na katastarskoj parceli označenoj kao k.č. 3504/1 i 4359.

Član 2.

(Opredijeljenost)

Gradsko vijeće Grada Sarajeva izražava opredjeljenje da učestvuje u Projektu i daje saglasnost i ovlaštenje gradonačelnici Grada Sarajeva i Pravobranilaštvu Grada Sarajevo da u okviru svojih nadležnosti poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta.

Član 3.

(Dužnosti)

- (1) Daje se ovlaštenje gradonačelnici Grada Sarajeva da sa Općinom Novo Sarajevo, a u cilju realizacije Projekata, pripremi tekst sporazuma kojim će se precizirati nosioc realizacije Projekta, potrebna sredstva za ulaganje, rokovi izvođenja radova, način primopredaje mosta, način održavanja izgrađenog mosta, kao i sva druga pitanja od značaja za realizaciju Projekta.
- (2) Na tekst sporazuma iz stava (1) ovog člana, a prije njegovog potpisivanja, Gradsko vijeće Grada Sarajeva dat će saglasnost.

Član 4.

(Način finasiranja)

Grad Sarajevo će potrebna finansijska sredstva za realizaciju ovog Projekta obezbjediti iz kreditnih sredstava obezbjedenih po ugovoru o kreditu, broj DO-18.16-7501-VIII/20 od 03.08.2020. godine, zaključenog između Grada Sarajeva i Razvojne banke Federacije BiH.

Član 5.

(Stupanje na snagu i početak primjene)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:

Datum:

OBRAZLOŽENJE

PRAVNI OSNOV

Pravni osnov za donošenje Odluke o pristupanju Projektu izgradnje pješačkog mosta iz ulice Bihćka sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

Također, pravni osnov je sadržan u članu 18. stav (1) tačka g) Statuta Grada Sarajeva („Službene novine Kantona Sarajevo“, broj 7/23) koji definiše vlastite nadležnosti grada, odnosno upravljanje, finansiranje i unaprjeđenje djelatnosti i objekata gradske komunalne infrastrukture u skladu s Ustavom Kantona Sarajevo, a naročito: gradska groblja, mostovi od posebnog značaja za Grad Sarajevo, gradska ulična rasvjeta i gradski parkovi.

RAZLOZI DONOŠENJA

Odluka kojom Grad Sarajevo pristupa Projektu izgradnje pješačkog mosta iz ulice Bihćka predstavlja važan korak u poboljšanju infrastrukture grada i olakšavanju pristupa zdravstvenim ustanovama. Ovom odlukom odobrava se gradonačelnici i Pravobranilaštvu Grada Sarajevo da preduzmu sve potrebne radnje i aktivnosti za uspješnu realizaciju Projekta, uključujući pravne, organizacijske, tehničke, administrativne i finansijske aspekte.

Također, ovom Odlukom daje se ovlaštenje gradonačelnici da u saradnji sa Općinom Novo Sarajevo i drugim relevantnim subjektima pripremi tekst sporazuma koji će precizirati nosioca realizacije Projekta, ulogu ostalih subjekata, sredstva ulaganja, rokove izvođenja radova, način primopredaje mosta, kao i način održavanja izgrađenog mosta.

Finansiranje ovog Projekta će se ostvariti kroz kreditna sredstva dobivena od Razvojne banke Federacije BiH, prema ugovoru o kreditu zaključenog između Grada Sarajeva i Razvojne banke Federacije BiH.

Izgradnja infrastrukture, kao što je pješački most u neposrednoj blizini Doma zdravlja Omer Maslić, predstavlja značajan korak ka unaprjeđenju gradskog prostora i pružanju boljih uslova za život i rad građana. Osim što povezuje naselja i olakšava pristup zdravstvenim ustanovama, izgradnja infrastrukture doprinosi i ekonomskom razvoju grada, jer olakšava pristup radnim mjestima i drugim važnim destinacijama. Također, brza i efikasna komunikacija između različitih dijelova grada podstiče međusobnu povezanost građana i stvara nove mogućnosti za socijalizaciju i društveni razvoj. Na kraju, izgradnja infrastrukture ima dugoročne koristi za zajednicu, poboljšavajući kvalitet života građana, unaprjeđujući javne usluge i povećavajući ukupnu vrijednost grada kao atraktivne turističke destinacije.

FINANSIJSKA SREDSTVA

Za realizaciju ove odluke potrebno je predvidjeti sredstva u Budžetu Grada Sarajeva.